



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Broj: 02-11-3-2067-11/22

Datum: 08.07.2022.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 07.07.2022.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU
o izboru najpovoljnijeg ponuđača

I

Najpovoljnija ponuda za robe u predmetu "Nabavka kancelarijskog materijala" po lotovima je za:
-Lot-1 Nabavka kancelarijskog materijala po cijeni bez PDV-a od 13.627,46 KM (slovima: trinaesthiljadašeststotinadvadesetsedam i 46/100 konvertibilnih maraka) odnosno sa PDV-om u iznosu od 15.944,12KM (slovima: petnaesthiljadadevetstotinačetrestetiri i 12/100 konvertibilnih maraka) je ponuda ponuđača R&S doo Sarajevo,
- Lot-2 Nabavka tonera po cijeni bez PDV-a od 20.077,67 KM (slovima: dvadesethiljadasedamdesetsedam i 76/100 konvertibilnih maraka) odnosno sa PDV-om u iznosu od 23.490,87KM (slovima: dvadesettrihiljadečetiristotinedevadeset i 87/100 konvertibilnih maraka) je ponuda ponuđača R&S doo Sarajevo.

II

Ponuda je dostavljena u konkurentskom zahtjevu za dostavu ponuda koji je objavljen na Portalu javnih nabavki dana 31.05.2022.godine pod brojem: 375-7-1-116-3-36/22, kriterij za dodjelu ugovora je najniža cijena.

III

Obavezuje se izabrani ponuđač (ukoliko uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda ponuđača ELKOM doo Vitez za Lot-1 Nabavka kancelarijskog materijala se odbacuje iz razloga što ponuđač uz ponudu nije dostavio traženu dokumentaciju kako je to propisano tenderskom dokumentacijom, te je ista ocijenjena kao formalno neispravna.

V

Za realizaciju Odluke zadužuju se Služba za društvene djelatnosti i investicije općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke za robe "Nabavka kancelarijskog materijala" pokrenut je Odlukom o pokretanju postupka broj:02-11-3-2067-2/22 od 25.05.2022.godine. Odabran je konkurentski zahtjev za dostavu ponuda sa podjelom na lotove, koji je objavljen na Portalu javnih nabavki dana 31.05.2022.godine pod brojem: 375-7-1-116-3-36/22, procijenjena vrijednost javne nabavke je 35.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristige su 2 (dvije) ponude i to: ponuda ELKOM doo Vitez (Lot-1 i Lot-2) i ponuda R&S doo Sarajevo (Lot-1 i Lot-2).

Komisija za javne nabavke imenovana rješenjem Općinskog Načelnika broj: 02-11-3-2067-5/22 od 15.06.2022. godine izvršila je dana 20.06.2022.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da je jedna ponuda za Lot-1 Nabavka kancelarijskog materijala i dvije ponude za Lot-2 Nabavka tonera formalno ispravne (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Tačkom 5.1. Tenderske dokumentacije predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude te je ugovorni organ zakazao E-aukcija za dan 28.06.2022.godine samo za Lot-2 Nabavka tonera od 10:00 sati sa vremenskim trajanjem od 10 (deset) minuta.

Iz Izvještaja o toku i završetku E-aukcije od 29.06.2022.godine vidljivo je da R&S doo Sarajevo kao ponuđač zauzima prvo mjesto na Konačnoj listi ponuđača koji su učestvovali u E-aukciji za Lot-2 Nabavka tonera, a za Lot-1 nije bilo E-aukcije budući da je za isti formalno ispravna samo ponuda ponuđača R&S doo Sarajevo, te je ugovorni organ iz Izvještaja o toku i završetku E-aukcije preuzeo Konačnu listu ponuđača koji su učestvovali u E-aukciji za Lot-2 kako slijedi:

Lot-1 Nabavka kancelarijskog materijala

1. R&S doo Sarajevo

Lot-2 Nabavka tonera

1. R&S doo Sarajevo
2. ELKOM doo Vitez

Komisija je kod ocjene ponuda takođe utvredila da ponuda ponuđača ELKOM doo Vitez oblikom i sadržajem ne odgovara traženim uslovima iz tenderske dokumentacije za Lot-1 Nabavka kancelarijskog materijala, ponuđač uz ponudu je dostavio dokument na strani 21. ponude iz kojeg su vidljivi parametri fotokopirnog papira (debljina, neprozirnost, bjelina, svjetlost i hrapavost) koji je ponuđen, ti parametri ne uklapaju se u tražene parametre koji su opisani u tački 1. Obrasca za cijenu ponude za Lot-1 Nabavka kancelarijskog materijala, koje je tražio ugovorni organ, te je iz tog razloga ponuda za Lot-1 Nabavka kancelarijskog materijala ELKOM doo Vitez odbačena kao formalno neispravna, te je ponuda ELKOM doo Vitez za Lot-2 Nabavka kancelarijskog materijala je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.


Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-11-3-2067-10/22 od 07.07.2022.godine), da se u predmetu javne nabavke roba "Nabavka kancelarijskog materijala", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za robe odnosno za Lot-1 Nabavka kancelarijskog materijala određuje i za Lot-2 Nabavka tonera prihvati ponuda ponuđača R&S doo Sarajevo, odnosno kako je to navedeno u tački I ove Odluke, te da se sa istim zaključi ugovor u skladu sa ponudom za Lot-1 i postignutom cijenom na E-aukciji za Lot-2 navedenog ponuđača za robe predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji izabran je ponuđač R&S doo Sarajevo Lot-1 Nabavka kancelarijskog materijala sa cijenom bez PDV-a od 13.627,46 KM (slovima: trinaesthiljadašeststotinadvadesetsedam i 46/100 konvertibilnih maraka) odnosno sa PDV-om u iznosu od 15.944,12KM (slovima: petnaesthiljadadevetstotinačetrestetiri i 12/100 konvertibilnih maraka) a za Lot-2 Nabavka tonera sa cijenom bez PDV-a od 20.077,67 KM (slovima: dvadesethiljadasedamdesetsedam i 76/100 konvertibilnih maraka) odnosno sa PDV-om u iznosu od 23.490,87KM (slovima: dvadesettrihiljadečetiristotinedevadeset i 87/100 konvertibilnih maraka)).

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x 2,
2. Služba za društvene djelatnosti i investicije,
3. Web stranica općine Tešanj, elektronski,
4. Predmet.



OPĆINSKI NAČELNIK
mr.sci. Suad Huskić

